

շարժելու և առանց շերտիով խառնելու: Այդ խէժնից ջուրն առանձնացնում էին. ստացվում էր թաժա պանրանման թանձր զանգված, որը ուղարկվում էր նվեր բարեկամներին և հարեաններին:

Երկրորդ օրվա կաթից, որն ավելի ջրալի և նոսր է լինում, եփում էին բլրամա, նույնպես առանց մեջը ալյուր խառնելու, սակայն շարունակ շերտիով խառնելով, որ խառաբ չլինի, չփչանա: Նոր ծնած գոմեշի կաթից, որը կովի կաթից ավելի թանձր է և յուղալի, առաջին երեք օրն էլ եփվում էր խէժնը: Ամանը վերադարձնում էին անլվա, շուռ տված և ոռքին աղ ածած, որ կովը ապագայում ավելի շատ կաթ տա: Բացատրում են, իբր թե այդ աղով կովը խրախուսվում էր, սակայն հնարավոր է և մի այլ բացատրություն, որն ավելի հավանական է թվում, այն է, որ աղն այստեղ գործադրվում էր կովը շար ոգիներից պաշտպանված պահելու համար: Առհասարակ՝ Ջանգեզուրումն էլ աղը շաբից պաշտպանող միջոց էր համարվում⁹⁴:

Փոխ տալ կարելի էր միայն եփած կաթ: Իսկ եթե տալիս էին հում կաթ, պիտի մեջը ձգեին մի կտոր ածուխ, որ կաթը չպակասի, որովհետև ածուխից քաշկէրը՝ շար ոգիները վախենում էին:

Ջատկական կաթը եփ էին տալիս այն կրակի վրա, որը բորբոքում էին 'Իօնդոօնչի'՝ Տեառնընդառաջի տոնի խարույկից վերցրած ածուխով կամ խանձված փայտով:

Եթե կաթը եփելիս հարեանը դար կրակ վերցնելու, նա պարտավոր էր նախ կաթի պղնձի խուփի վրա մի կանաչ տերև ձգել և ապա տակից կրակը վերցնել. այսպիսով, նա այրող, ոչնչացնող տարրը փոխարինում էր թարմ, ապրող իրով: Կրակը տալիս էին միայն կաթը եփելուց և գետին դնելուց հետո:

Եթե մի հարեան մյուսին ուղարկում էր կաթ կամ մածոն, ամանը պիտի վերադարձվեր առանց լվանալու՝ կաթի կամ մածնի սպառվելու առաջն առնելու համար:

Հաճախ կաթ, մածոն կամ այլ մթերք նվեր ստանալուն ի պատասխան ուղարկվում էր փոխ-նվեր—չոր բրինձ, թաղա պանիր, որևէ միրգ:

Մածոնը մերում էին մընըցկամանի մեջ: Արգելվում էր մածոնով, ինչպես և կաթնով կրակ հանգցնելը: Այստեղ գործում էր նույն տրամաբանությունը, որը թելադրում էր անդադրում անձրևը կտրելու համար անձրևաչուրը կրակի վրա գոլորշիացնել. մածոնը կամ կաթը կրակի վրա թափելով և այդպիսով այն որոշ շափով գոլորշիացնելով՝ կարող էին պակասեցնել նրա առատությունը:

Կարագը հարում էին կախովի փայտե խնօցու մեջ⁹⁵: Դա մի երկարացրած ձվաձև զլանակ է, որը շինված էր ամբողջական ծառաբնից հատուկ գործիքի միջոցով: Նրա երկարությունը 1—1,20 մ, տրամագիծը 30—40 սմ: Խնօցին

⁹⁴ Եթե խէժը, բլրամա հարեաններին և բարեկամներին նվեր ուղարկելը կապ ունի նախնադարյան համայնական կյանքի հետ, նույնը կարելի է ասել և Համբարձման օրը մատաղ բերվող կարճավի մասին, առաջինը աչքի առաջ ունի ընդհանուր սպառում, երկրորդը՝ ընդհանուր պաշտամունք:

⁹⁵ Մծուրը՝ գետնին պռուկած խնօցին Ջանգեզուրում քիչ էր գործածվում: Մեզրու շրջանում՝ խրնէցէն: Կապանում գործածվում էր ծծումբ: Մծումի օրինակները գտնվում են բրոնզե դարի իրերի մեջ, կախովի խնօցին՝ ոչ: Հարց է ծագում՝ խնօցու երևալը չպե՞տք է կապվի հնդկությունից, որտեղ երևալու հետ Հայկական լեռնաշխարհում: Աչքի առաջ պետք է ունենալ այն իրողությունը, որ հույները և հռոմայեցիք կարագ և յուղ չգիտեին և հարել սովորեցին գերմանացիներից: Լատիներեն յուղը կոչվում է գերմանական բառով buterina, հունարեն՝ βούτυρον.